

民國史料叢刊

573

張研 孫燕京 主編

經濟・工業

直隸省商品陳列所第一次實業調查記<一>

 大象出版社

K258.06

3

(573)

民國史料叢刊
573

張研 孫燕京 主編
經濟·工業

直隸省商品陳列所第一次實業調查記 A—V



大象出版社

圖書在版編目 (CIP) 數據

民國史料叢刊／張研 孫燕京 主編

—鄭州— 大象出版社，2009.2

ISBN 978-7-5347-5439-5

I 民… II 張… III 中國—近代史—史料—民國

IV K258.06

中國版本圖書館CIP數據核字 (2009) 第022264號

民國史料叢刊
張研 孫燕京 主編
經濟·工業

總策劃 耿相新

責任編輯 楊吉哲 王莉娜

封面設計 劉玉王

出版 大象出版社 (鄭州市經七路25號 郵政編碼450002)

網址 www.daxiang.cn

發行 大象出版社總發行部 電話：0371-63863551

印刷 北京中獻拓方科技發展有限公司

版次 2009年8月第1版 2009年8月第1次印刷

開本 890 × 1240 1/32

印張 15.25

總定價 180000.00元

若發現印、裝質量問題，影響閱讀，請與承印廠聯系調換。

印廠地址 北京經濟技術開發區運成街甲6號

郵政編碼 100176 電話 (010) 67889166

直隸省商品陳列所第一次實業調查記

直隸省商會第一次實業調查記目錄

序一

序二

序三

序四

凡例

直隸調查實業之歷史

第一次調查實業之豫備

第一次調查實業之得失

第一區報告書

第二區報告書

第三區報告書

第四區報告書

第五區報告書

第六區報告書

第七區報告書

第八區報告書

第九區報告書

第十區報告書

附正誤表

第一區物產表

第二區物產表

第三區物產表

第四區物產表

第五區物產表

第六區物產表

第七區物產表

第八區物產表

第九區物產表

第十區物產表

直隸省人民生活狀況表

直隸省貨幣交易現狀表

直隸省商業交通機關表

直隸省實業機關表

直隸省礦商表

直隸省礦圖表

附正誤表

直隸天然地圖

直隸政治地圖
 直隸交通地圖
 直隸生產地圖
 直隸實業分布圖
 直隸實業分區圖
 直隸農產分布圖(纖維類一)
 直隸農產分布圖(製油類二)
 直隸林產分布圖(果類一)
 直隸林產分布圖(木材類二)
 直隸礦產分布圖
 直隸牧獵產物分布圖
 直隸蠶蜂飼養分布圖
 直隸工業分布圖
 直隸商業分布圖
 直隸入口商品灌輸圖
 直隸出口商品傾注圖
 京津兩市圖(北京)
 京津兩市圖(天津)
 直隸省度差圖

直隸省量差圖

直隸省衡差圖（平）

直隸省衡差圖（科）

序一

共和初元國人各本其部落主義紛然以服官本省爲請一破前代迴避例十一月遂有以余署直隸勸業道之命道設於清宣統二年本農工商務暨礦政調查各局所改置者也名曰勸業公所下車之始見本署設科頗多冗濫所屬各局大抵有名無實因先併本署六科爲四一總務一農林一工商一交通裁汰數十員任嚴君智怡爲工商科長嚴君遊學外洋於工商業具有心得且多經驗其任事也不避勞怨井然有條理嗣以天津勸工陳列所不足以概全省也改爲直隸省商品陳列所並以嚴君兼所長其明年二月改定各省官制以勸業道爲實業司余轉任司長而農林工商交通三科則仍其舊嚴君既兼所長以所中陳列品於本省物產殊形簡略於是又有委員調察之議選派十六人分區出發閱四月而畢適余改任內務各員報告書未及彙齊又數月余挂冠歸隱不聞此事三年於茲矣今年夏嚴君以編輯報告業已成書問序於余余惟紀載方物始於禹貢後代史志別爲食貨附於地理者有之見於職方者亦有之然語焉不詳且意在任土作貢以賦役征權爲主其他私家撰述則又好奇驚博無裨實用唐宋以降郡縣始有志乘沿及明清省有通志府廳州縣亦各有志未嘗不列土產一門而採訪所重不在此或承訛襲謬古有而今無大率不求詳覈閉關自守時代與歐美各國不相往來無所感觸何足怪耶近則環球大通以商戰立國科學日進製作日新富國強兵胥視乎此外貨輸入月異而歲不同我國則獨以天產物特聞無他農產雖富工藝未興商戰卽無以制勝其勢然也此次蒐集物品雖仍以天產爲多而工業亦頗有進步陳列所中足資研究惟冀邦人士實心實力倡興製造俾吾人日用不徒仰給外人漸以運輸外國毋僅以土貨出口相尙推而至於全國則生計充裕內亂潛消由貧而富由富而強芒芒大地俾中國人有立足

序一

之所此則嚴君苦心經營之初意即余亦樂觀厥成也
中華民國六年六月樂亭史履晉序於都門之市隱居

二

序二

民國元年冬本省勸業公所令改前天津勸工陳列所爲直隸省商品陳列所智怡以二年之春承乏所長之職原夫商品陳列所之設所以改進本國固有之實業引起國人企業之思想也其致此之術則在調查實業之狀況以介紹於國人且蒐集所有物品陳列而比較之俾國中從事實業之人有所觀感得以增益其智識而振興其志趣天津勸工陳列所承前此之考工廠而來所有物品大率陳舊屬於本省一部分者尤嫌簡畧至調查之事雖經舉行然其所得可用者亦僅矣智怡受事之始卽以此中情狀商承於實業司司長史康侯先生既乃會合全所人員籌所以改進之法擬以調查蒐集兩事同時並舉規畫大勢預計經費史先生謂其可行力爲主持於是依天然地勢分割全省爲十區委調查員十六人分往調查大率以一人而經歷十數縣僕僕於風塵中互三四月之久出發之期爲是年四月遂以八月之末先後返津其間因天時人事之乖迕未能巡往者數處其餘各地莫不有工商事業之紀載與其地重要之物產就全省之大而觀之固不敢謂包舉無遺然其大端亦已畧具於此一役也東北一隅未嘗有也萃其所得屬於蒐集者凡物品四千又二十六種皆各有說明之文付陳列課先後陳列屬於調查者依其人觀察之力與其地實業之盛衰而有詳畧都百餘萬言付編輯課整而齊之彙爲三編以供實業中人參考之用幾經歲月始克成書名之曰直隸省商品陳列所第一次實業調查記蓋所以存此次之成績且以爲將來之引緒焉刊既成誌其顛末如此

中華民國六年一月三十一日天津嚴智怡序於北京紅廟寓次

序二

二

序三

世界文明各國其通都廣邑常有商品陳列所之設所歲支經費多至數十萬元甚且達百萬以上其不恤耗鉅額之金而設是機關者果何爲乎哉斯固大有深意存乎其間非徒爲點綴闡闢供衆游覽已也今夫實業界大而豪商鉅賈公司工廠小而負販匠作以迄山野農圃獵牧凡所關係其本業者恆以多知勝寡知其所知愈富而勝亦愈可必是不獨實業界爲然卽吾人居恆購一用物則多所知者其抉擇精常以低值獲良品而寡所知者以茫無判別往往價值高而獲物反劣多知之必勝寡知旣如是矣然其所以求知則捨調查無他道顧實業界與夫貿易上其情態狀況之爲連瑣蓋千端萬緒且事無巨細苟一引伸乃或關係世界如是而人自爲調查則跋涉刺探殫精竭慮常窮歲月莫辦辦矣且虞荒其本業假令有機關焉其爲職志則凡實業界與夫貿易上之品物事情咸預爲調查之復萃其所調查品物而審定之陳列之聚其所調查事情而保筦之編輯之統計之研考之有質問來則以其所調查者答之無以答則亦臨時調查得則刻期以答之其彼此不相知者又從而紹介之凡有實業界與夫貿易上須自爲調查以求其知者皆一一調查而應其所調查苟有是機關則其爲便利重要足以促進工商業之改良固不待論矣如是機關世界文明各國於通都廣邑類皆設之卽商品陳列所是已綜言之商品陳列所者陳列爲其表而調查爲其裏非然者則先無所知將何以應求知者之調查也情態事實固自調查來而商品蒐集亦不得不自調查來非然者則不知參半亦不足以應求知者之調查也商品蒐集固由調查而商家出品亦不得不複施調查非然者則無以審定等於不知亦不足以應求知者之調查也是則實業界必以商品陳列所爲樞軸而商品陳列所又必以調查爲樞軸有斷然者僅漫聚若干商品而陳列之雖極美

備是徒點綴闢關供人游覽者耳若陳陳相因者抑愈下矣直隸商品陳列所以民國元年冬改組成立所長嚴慈約先生商承於實業司長史康侯先生停止舊陳列大舉調查事宜是時新增以實業司一等技士蒙委兼陳列所調查課主任因獲參與斯役各縣調查既竣所有記錄所長以付編輯課成書命之曰直隸省商品陳列所第一次實業調查記蓋以所應調查者範圍之廣至無涯涘且時事代謝轉瞬又成陳迹命之曰第一將以示繼續調查之正未可以已也

中華民國六年七月三日大興李裕增謹序

序四

孫子有言知彼知己百戰不殆不知彼而知己一勝一負不知彼不知己每戰必殆此兵家之金科玉律也當此物競生存之秋世界生計之爭其劇烈百倍於兵甲兵甲止爭於一時生計則爭於永久所以成商戰之局世界奮鬪其中而無可解免世人之對此不惜舉國之精神之金錢日以謀知其己所有者何以利用人所求者何以投嗜故吾國荒鄙之鄉險惡之野歲莫不有海客之車轍馬迹以游歷其中凡游歷之客又莫不以精密之觀察作正確之載記還報其國以供其國人奮戰之資所以自與吾國互市以來從少敗輒之事也試一回顧吾國士夫日以地大物博騰囂於上鄉里日以鑿飲耕食混敦於下隨舉一習見之物問其性質用途產地銷額於廣衆之場吾知能立舉以對者千百必不獲一無可諱言至往籍所載官書類爲貢賦而設私答類爲偶記之書率多闕畧敷淺無當於事實嗚呼是吾國於本國之物產求一知己者已不易覩遑論知彼前清末葉朝野稍稍省覺京都設商部行省設勸業道吾省且設勸工陳列所似知務所急矣無如物品之徵集產業之統計毫無切要之圖不過朝廷以之責長吏長吏以之責牧令牧令以之責隸胥表冊百頒強半不報卽報者亦僅據隸胥所知而已當時憂國之士亦不少呼號奔走集資本設學校建工廠遣學生以謀挽救已敗商戰之局者但以未諳社會情狀驟而設施屢起屢仆鮮得良果其時吾省創立之新業至今仍能發展者止史公康侯蔣公惺甫馮公公度所設之北京電燈公司嚴公慈約所設之天津造船公司以及北京丹鳳火柴公司等寥寥數者而已予不自量亦嘗奮力以迫於諸公之後而數步數蹶迄無一成成敗之數可以鑒矣自共和建國之二年河間馮公都督吾省知民非實業無以圖存也首以史公康侯任勸業史公下車卽以嚴公慈約主工商嚴公視事急謀改組陳列所而以

調查全省之物產商況請可謂急當務矣吾省北臨鴻漠南據大河西不盡大行東不盡渤海充其量竭百人之力窮三年之功庶可發其藏而盡其蘊猥以國體初更度支不裕人僅限於十六邑僅限以四日所得之冊籍詳盡雖不可期而確切差可自信不佞始則畧參末議繼又備員調查歸則嚴公任主編輯明知不文莫勝其任顧於斯役畧知顛末故不敢不勉爲其難竊思吾國調查實業之書自有史以來五藏山經爲不刊之憲典神禹躬歷八荒備乘四載大禹命名伯稷辨穀章亥步里庚童志神盡七聖八年之功凡山川道里金石艸木鳥獸蟲魚莫不詳其方而知其用以及民風祭典古蹟神道皆詳記不遺復鑄之鼎以示象其功至偉數千年無繼起之作陋儒不自知反以怪譎目之良可悲矣今幸得百五十餘邑之實錄敢師山經先例理而董之畧成報告書百五十九篇邑各先之以道里次山川次古蹟次農業次工業次商業次礦業其大市則特詳民情其漁場則特詳水產夫事必先有朕兆故冠之以調查歷史必預爲籌措故繼之以調查豫備必自嚴審度故又繼以調查得失又必比較以見短長故復據作物產表百五十六必歸納以便檢點故復據作人民生活狀況表一貨幣交易現狀表一商業交通機關表一實業機關表一礦業表二必顯呈以利視察又據書表製圖二十有三都百餘萬言歷三載而殺青此區區十餘人四月觀察之所得吾省父老子弟姊妹向恃以爲生息者畧可知卽將來持以與世界周旋者亦畧可知非謂吾省之物產民俗卽此已包舉無遺也此不過大略之繫輪夏屋之版築已爾若夫有繼而作者則此冊可畧盡嚮導責也助不佞完此重任僉君品三李君貫三陳君鵬侶黃君潔塵葉君吉甫之力爲多圖則繪自劉君仁甫吳君亞民不佞則粗擬規模畧加補削而已

中華民國六年七月天津華學涑謹序